

10-03-2022

Sarajevo,

Broj: *0211-5-11488*

Na osnovu člana 70. Zakona o javnim nabavkama („Službeni glasnik BiH“, broj 39/14), člana 48. Statuta (Sl.novine FBiH br. 73/13), člana 21. Pravilnika o javnim nabavkama Kliničkog centra Univerziteta u Sarajevu (br.0202-14544/17) u daljem tekstu KCUS, na prijedlog Komisije za javnu nabavku Izvještaj br.10-04-4-10773-1 od 07.03.2022.godine, Generalna direktorica donosi:

### ODLUKU

o izboru najpovoljnijeg ponuđača za nabavku i isporuku opreme  
za nadogradnju bolničke signalizacije proizvođača Promon za potrebe Klinike za neurologiju

#### I

Prihvata se prijedlog Komisije za javnu nabavku, Izvještaj br. 10-04-4-10773-1 od 07.03.2022.godine i Ugovor za nabavku i isporuku opreme za nadogradnju bolničke signalizacije proizvođača Promon za potrebe Klinike za neurologiju, nakon provedenog konkurentskog zahtjeva, Obavještenje o nabavci br. 893-7-1-73-3-92/22 od 16.02.2022.godine, dodjeljuje dobavljaču **PRO TEAM- Agencija za zaštitu ljudi i imovine d.o.o. Sarajevo**

Ukupna vrijednost ugovora bez PDV-a: 41.939,44 KM  
Iznos PDV-a 17% : 7.129,70 KM  
Ukupna vrijednost ugovora sa PDV-om: 49.069,14 KM

- Uslovi plaćanja: u roku 60 dana po isporuci i ispostavljenom računu
- Rok isporuke robe: 25 dana od dana prijema narudžbenice

#### II

Izabrani ponuđač **PRO TEAM- Agencija za zaštitu ljudi i imovine d.o.o. Sarajevo**, ul.Silve Rizvanbegović br.24 b, 71 000 Sarajevo, dužan je u roku od 5 (pet) dana od dana prijema ove Odluke, dostaviti original ili ovjerene kopije dokaza tražene tačkom 2.2 Tenderske dokumentacije, u skladu sa dostavljenom Izjavom ponuđača, ne stariji od 3 mjeseca računajući od momenta predaje ponude.

#### III

Ova Odluka stupa na snagu danom donošenja i u skladu sa zakonskim propisima će biti istovremeno dostavljena ponuđaču učesniku postupka javne nabavke i objavljena na web stranici KCUS-a.

### OBRAZLOŽENJE

Na osnovu Odluke o pokretanju postupka javne nabavke br. 58-11-7-7774-1 od 15.02.2022.godine sa procijenjenom vrijednošću u iznosu od 42.000,00 KM bez PDV-a. KCUS je objavio Obavještenje o nabavci broj: 893-7-1-73-3-92/22 od 16.02.2022.godine na portalu e-Nabavke zajedno sa Tenderskom dokumentacijom za nadogradnju bolničke signalizacije proizvođača Promon za potrebe Klinike za neurologiju, putem konkurentskog zahtjeva. Finansijska sredstva za realizaciju nabavke planirana su Privremenim Planom javnih nabavki KCUS-a za 2022.godinu pod klasifikacijom "Robe ", red.br.18. Kriterij vrednovanja ponuda je najniža cijena tehnički zadovoljavajuće ponude. Za postupak nabavke predviđeno je provođenje e-Aukcije.

U skladu sa članom 88. Zakona o javnim nabavkama („Službeni glasnik BiH“, broj 39/14), poziv za učešće u postupku javne nabavke upućen je sljedećim ponuđačima:

1. UNILAB d.o.o.
2. MIBO d.o.o. Komunikacije
3. PRO TEAM- Agencija za zaštitu ljudi i imovine d.o.o.

Tendersku dokumentaciju sa portala javnih nabavki preuzelo je 7 (sedam) potencijalnih ponuđača: Emerging markets consultants d.o.o.; BBS Europe; Ekapija d.o.o.; UNILAB d.o.o.; PRO TEAM d.o.o.; Agencija Kamir d.o.o. i Alcu d.o.o.

U ostavljenom roku za prijem ponuda, 03.03.2022.godine, na protokol KCUS-a dostavljena je 1 (jedna) ponuda ponuđača PRO TEAM – Agencija za zaštitu ljudi i imovine d.o.o. Sarajevo, broj 10-11-3-10181 od 03.03.2022. godine u 09 h i 25 min (Zapisnik o zaprimanju ponuda br.10-04-4-10250/03.03.2022.godine).

Javno otvaranje ponuda održano je dana 03.03.2022.godine u 12,00 sati u sali za sastanke na lokaciji Objekat Tehničkog sektora (C9). Zapisnik o javnom otvaranju ponuda broj 10-04-4-10250-1 od 03.03.2022.godine u zakonski predviđenom roku dostavljen je putem fax-a ponuđaču učesniku postupka javne nabavke.

Komisija imenovana Odlukom broj: 58-04-4-9078 od 23.02.2022.godine sačinila je Zapisnik o pregledu i ocjeni ponuda br. 10-04-4-10773 od 07.03.2022.godine, u kojem je konstatovala da je dostavljena ponuda formalno-pravno i tehnički ispravna.

Za ovaj postupak javne nabavke planirano je provođenje e-aukcije, ali u skladu sa Pravilnikom o uslovima i načinu korištenja e-aukcije, član 3. Stav 3) u kojem je definisano da se e-aukcija ne može provesti u slučaju prijema jedne prihvatljive ponude, te se **postupak okončava u skladu sa članom 69. 1) a) ZJN.**

Budući da je cijena zadovoljavajuće ponude u okviru osiguranih sredstava za nabavku, te da je postupku javne nabavke putem konkurentskog zahtjeva zadovoljena transparentnost, Komisija je dala prijedlog, Izvještaj br. 10-04-4-10773-1 od 07.03.2022.godine, da se za nadogradnju bolničke signalizacije proizvođača Promon za potrebe Klinike za neurologiju, donese Odluka o izboru ponuđača i Ugovor dodijeli ponuđaču PRO TEAM- Agencija za zaštitu ljudi i imovine d.o.o. Sarajevo. Prijedlog Komisije je prihvaćen i donijeta je odluka kao u dispozitivu.

**GENERALNA DIREKTORICA**  
**Prof.dr Sebija Izetbegović**

**POUKA O PRAVNOM LIJEKU:** Protiv ove Odluke može se izjaviti žalba, najkasnije u roku od 5 (pet) dana od dana prijema Odluke. Žalba se izjavljuje Uredu za razmatranje žalbi BiH putem ugovornog organa u pisanoj formi i u dovoljnom broju primjeraka, a koji ne može biti manji od tri.

Dostaviti:

- Ponuđaču;
- Tehnički sektor
- a/a KCUS